

Bibel fa Kjinja

brinj't junt

Jesus jeft 5000 Menschen to äten



Jeschräwen von: Edward Hughes

Jemolt von: Janie Forest

Äwasat von: Ed Zacharias

Toom Paus jestalt von: Ruth Klassen

De 51. Jeschicht von 60

www.M1914.org


Bible for Children, PO Box 3, Winnipeg, MB R3C 2G1 Canada

Jesazlich: Du doascht dise Jeschicht oppnämen ooda drekjen, soo lang aus du dee nich vekjafst.

Plautdietsch

Low German

De Farisäa, de judsche Leidasch, vetalden Lääjes
von Jesus. Eenje wullen
am doot
haben.



1

See jleewden nich daut hee werkjlich Gott sien Sän
wia.



2

See wieren jään am, wan hee uk Wunda deed toom wiesen daut hee von Gott kjeem.




3

Een Dach fua Jesus äwa daut Galiläische Mäa. Veleicht wull hee sikj reiwen von emma met soo väl Menschen sennen. Oba een Schoof Menschen jinjen am hinjaraun. See wullen mea Wunda seenen un hieren waut hee säd.




4

Jesus jinkj met siene Jinja no eene velotne Städ oppem Boajch. Doa saut hee un lied an.




5

Mea un mea Menschen kjeemen no am. Daut wort Owent, un aule worden hungrich.




6

Jesus kijkt no aul dee Lied. "Wua kjenn wie Broot kjeepen, daut dise aule äten kjennen?" fruach hee Filippus. Doa wia kjeen Stua. Waut wull Jesus doonen?




7

"Daut wudd sea väl kosten toom aul dise Menschen waut jäwen," säd Filippus. Jesus un de Jinja hauden nich väl Jelt.



8

Een aundra Jinja,
Andreas (Petrus sien
Brooda) säd to Jesus,
"Doa es een Jung hia
met fief Brootjes un
twee Fesch."



9

"Oba waut es daut fa soo väl?" Andreas wist nich
woo däm Jung sien Äten soo väl Menschen halpen
wudd, uk wan hee daut wiedajäwen wull.



10

Jesus säd, "Seet doano daut de Menschen sikj
dolsaten." Doa saden sikj bie 5000 Mana dol.
Denkj die! 5000! Dan
hauden see noch
nich de Frues
un Kjinja
jetalt.



11

Dan neem Jesus de Brootjes
un Fesch. De kjliena Jung
haud een grootet Vetruen
opp Jesus. Hee wist nich
waut Jesus met daut Äten
doonen wull.



12

Hee haud Jesus daut
jejäft wan hee veleicht uk
jedocht haft daut hee
nuscht kjrieen wudd, wan
hee am daut jeef.



13

Dan bäd Jesus un dankt
Gott. Fa fief Brootjes
un twee Fesch?
Jo, Jesus säd
dankscheen
to Gott, un
fruach am
daut to
säajnen.




14

Aus hee jebät haud,
bruak Jesus daut Broot
un de Fesch un leet de
Jinja daut no de groote
Hääd Menschen droagen.
Nu sagen de Menschen
waut Jesus fa een
Wunda deed. Jieda
eena eet soo väl aus hee
wull, un doa wia jenuach
fa aulem.



15

Aus see aula jejäten hauden, wia doa noch waut
äwajebälwen. Jesus säd de Jinja sullen daut toop
brinjen, soo daut nuscht vekomen wudd. See
saumelden 12 Kjarw voll Bieta waut von de fief
Brood un twee Fesch wieren äwajebälwen.



16

Dän Dach jeef Jesus äwa 5000
Menschen to äten von däm kjlienen
Jung sient. Een aundretmol, jeef
hee 4000 Menschen von
säwen Brood un
waut Fesch.



17

Mieschte Menschen waut daut sagen
wieren nich doll, soo aus de Farisäa.
See säden leewa, "Dit es werkjlich
een Profeet dee enne Welt
nenjekomen es." See
wisten Jesus wia de
Heilant von däm
de Bibel ea
jesajcht
haud, daut
hee komen
wudd.



18

Jesus jeft 5000 Menschen to äten

Eene Jeschicht von en daut Wuat Gottes,
de Bibel

finjt eena en

Johanes 6

"Wan dien Wuat openboat woat,
jeft daut Licht." Psalm 119:130



Gott weet daut wie schlaachtet jedonen haben, waut
hee Sind nant. De Strof fa Sind es de Doot.

Gott es ons soo goot daut hee sien Sän Jesus schekjt,
daut hee fa ons aum Kjriez storf un onse Schult betold.

Jesus stunt vom Doot opp un es trigj nom Himmel
jefoaren! Nu kaun Gott ons onse Sind vejäwen.

Wan du von diene Sinden west wajchdreien, dan saj
dit to Gott: Leewa Gott, ekj jleew Jesus es fa mie
jestorwen un daut hee nu wada läft. Komm en mien
Läwen un vejeff miene Sinden, soo daut ekj nu kaun
nieet Läwen haben, un noch emol opp emma no die
komen. Halp mie fa die to läwen aus dien Kjint. Amen.
Johanes 3:16

Lass de Bibel un räd jieda Dach met Gott!